

mgenoklu," chinni.

Gi rupshek-chichne-ksutni.
Ruknopjetaktamkalu. Giyagni ru-
manemtaktatkalu papni.

Nasukanatka gitni. Gi nunkale
nyapamtanatka gitni. Giyagni
pshinitsonuji nasukamtana, wane-
kta rawanata gagapi-tsa. Wale
gishatkap-jixitanatkano. Nupga-
mtanatka. Nyojipnapotumtana.
Giyagni kaplakamtanaktatkano wa
kewe. Giyagni kewe romkagimtw
mgenoklu. Giyagni njemanunanuko
gipgutla ruknogamtatka wa mgeno-
klu. Gajeryamka nyotunotannitka

njemanuko, "Too," rixamta. Maka-
kta papni koxa ginnitka. Gikta
rupsheka-chichne-ksutnitka. Ru-
knokamtaktatkalu chichne-ksu
papni. Walekta kashichatkalwa
mgenoklu. Njemanuko rapkakana-
tkano notji. Gipgutla gi rashka-
tno. Giyagni nsaplewatanatka,
"Papaa, ruylatanatatkanano mgeno-
klu," nchinanatka.

Nkegeknanuwatanatka. Giyagni
koshekamtniktatkalu mgenoklu
papni. Gi nushinikamta. Npikle-
getko gi nushinkapnawa. Giyagni
pshinii, "Too," china chichi-ksu.

yagotkakamtatkana giyalu-yma
kewe. Kewni yagotatka giyalu,
seyne kewe gapnutanru giyalni.
Kshinikanmakla. Kiglepno, nutso-
lguwatanu, seyni gi numkata
gitsolguwletanatka. Ptser-potlu
giyalu yagotyawaka wa kewe. Gi-
yagni ruxrikayakatatka nuknoga-
mtatka.

Wtomsamtatkana kewene. Gaya-
natatka. Wyopikatka. Gi numka-
tnanatkawa. Giyagni kanawa
nuptekatka. Wkoprugamtatka.
Wutspakatka. Wane chinne papni,
"Mgenoklumka giylatannatkalu,"

Runkaniktatkalu wa papni.

Giyagni nyotunotatka. Chiji nyigata. Netlu jrataa rixa chiji. Wane nchina, "Kewnikta ruylatatka wa mgenoklu," makatka gitak-nogragni. Giyagni wane nchina, "Klanko ruylatno. Xani nunkajetannatkalu," nchina.

Netlo nkashre. Pnu-mnu nwa-kashrenatana. Giyagni njematkanwa kewene, "Go go go go go," chinanatna. Napatje-kashremtatka. "Xaninpatkalu," nchinamta. Netamtnirwa papni. Jratayy rixanatni wa gigoji papni.

Gijrikta rapkakniri papni. Ptso-
tsotaji gimmaka chiji rapokamta-
nni papni. Giyagni, "iGaa, gipgu-
ta ruylatanatkayi!" chinni papni.

Netamtatkalu mgenoklu tupla-
nataa. Kewene muyokanatlu. iGi
psonanuktalu! wane nchina, "Xani
nunkannatkayi pix-koxapni,"
nchinru. Gajerya nkotyakamtatka
rushatkapa-kashre-twatnitkano
papni.

"Gitapni galikaka," chinni wa
papni. "Pyotsnakanru xak-pixa,"
chinni wa papni. "Git-galikaka
ginkaganru," chinni wa papni.

Giyagni waleni ginkanatkalu.
Pa chra-gapka runkiyanatnaklu,
seyeni gi yayixa. Pa chra-gapka
runkiyanatnaklu. Pamyō chra-
potuko runkiymaklu papni. Wane
chinni, "Chichi-ksu pyoshichanu."

Giyagni nujgamkalu wa tsapa.
Wane nchina, "Gi rawa tsapa.
Ginakaktalu?" nchina.

"Ga ga tyekta wa tsapa,"
chinni wa papni. "Gitako yoshi-
chanutkalu," chinni papni. Rali
yoshretnitka, runkatnaklu.
"Tooo." Yoshgapkatni. Rume-p-gi-
nkaletatnaklu. "Tooo."

Rumep-yoshregapkatni. Rali yoshretnaka, runkatnaklu. "Toooo." Seyni gi yayixa mgenoklu. Wane yoshichyanutnaka. "Gi pa gonannunanruge?" chinni wa papni. Gi gepi kata runkatkalu papni. Wa rumepetanatkalu. Waneklu yoptso-jitamtanatka. Rumepe yoshregapkatni. Waneklu runkanatnaklu. Rupnapotutanatka.

Giyagni wane chinni, "Petanwa xani. Gi pyoptolewatana," chinni papni.

Giyagni, "Xani gayanutka," chinni wa papni. Giyagni